

ԱՐՁԱՆԱԳՐՈՒԹՅՈՒՆ N 6

ՀՈՒՄԱՆԻՏԱՐ ԳԻՏՈՒԹՅՈՒՆՆԵՐԻ ՖԱԿՈՒԼՏԵՏԻ ԳԻՏԱԿԱՆ ԽՈՐՀՐԴԻ ՆԻՍԻ

27.01.2018

Ք. Իջևան

Մասնակցում էին գիտխորհրդի բոլոր անդամները.

ՕՐԱԿԱՐԳ

1. 2017-18 ուստարվա առաջին քննաշրջանի արդյունքների ամփոփում:
/Զեկուցող՝ Ա. Ներսիսյան/
2. 2017-2018 ուստարվա երկրորդ կիսամյակի նախապատրաստական աշխատանքների մասին: /Զեկուցող՝ Ա. Ներսիսյան/
3. Ընթացիկ հարցեր

ԼՄԵՑԻՆ.

Օրակարգի 1-ին հարցի վերաբերյալ զեկուցող Ա. Ներսիսյանը ներկայացրեց քննաշրջանի կազմակերպական աշխատանքների ընթացքի մասին: Նշվեց, որ ձմեռային քննաշրջանի ընթացքը եղել է պատշաճ կազմակերպված և գտնվել է դեկանատի մշտական ուշադրության կենտրոնում: Դեկանը ընդգծեց, որ տարեցտարի բարձրանում է ստուգարքներին և քննություններին ուսանողների պատրաստվածության մակարդակը: Նշված ժամանակահատվածում ֆակուլտետի առաջադիմությունը կազմել է 85.22%: Դա բացատրվում է նրանով, որ տվյալ առարկայի նյութը մաս-մաս յուրացնելով, կիսամյակի ընթացքում պարբերաբար միջանկյալ քննություններ հանձնելով, ուսանողը եզրափակիչ քննությանը ներկայանում է պատշաճ գիտելիքներով: 2017-2018 ուստարվա ձմեռային քննաշրջանին մասնակցել է 312 ուսանող: Միայն գերազանց գնահատականներ են ստացել 30 ուսանող, գերազանց և լավ՝ 84, խառը գնահատականներ՝ 151, իսկ միայն բավարար՝ 6 ուսանող: 41 ուսանողներ չեն կարողացել հանձնել քննությունները և իրենց ուժերը կփորձեն լուծարքային շրջանում: Դրանց մի զգալի մասը անբավարար պատրաստվածության պատճառով չի ներկայացել ստուգարքներին և քննություններին: Մի մասը անբավարար է ստացել ընթացիկ քննությունների արդյունքներով: Մեկ անբավարար է ստացել 32, երկու անբավարար՝ 7, երեք և ավելի

անբավարար՝ 2 ուսանող: Զեկուցողը ընդհանուր գծերով ներկայացրեց
ակադեմիական պարտքերի պատկերը, որը ըստ մասնագիտությունների հետևյալն է.

- Պատմություն՝ 15
- Հայոց լեզու և գրակ.՝ 5
- Անգլերեն լեզու և գրակ.՝ 7
- Տարրական մանկ. և մեթոդիկա՝ 10
- Հոգեբանություն՝ 1
- Մանկավարժություն և հոգեբանություն՝ 2
- Ֆրանս. լեզու և գրակ.՝ 2

ԱՐՏԱՀԱՅՏՎԵՑԻՆ.

*Բ.գ.թ. Վ. Աղաբաբյանը, Բ.գ.թ., դոցենտ Ա. Սարհատյանը, մ.գ.թ. Լ.
Հարությունյանը, Զ.. Վարտանյանը, Ռ. Հարությունյանը:*

ՈՐՈՇԵՑԻՆ.

*2017-2018 ուստարվա առաջին կիսամյակի քննությունների արդյունքները
համարել բավարար:*

ԼՄԵՑԻՆ.

Օրակարգի 2-րդ հարցի վերաբերյալ զեկուցեց ֆակուլտետի դեկան Ա.
Ներսիսյանը: Զեկուցողը հանգամանալի ներկայացրեց 2017-2018 ուստարվա
երկրորդ կիսամյակի նախապատրաստական աշխատանքների ընթացքը: Առաջին
հերթին նա ներկայացրեց ֆակուլտետի դասախոսների 2017-2018 ուստարվա
երկրորդ կիսամյակի ուսումնական բեռնվածությունները: Անդրադարձավ
իրականացված վերանայումներին, որոնց հետևանքով մի շարք դասախոսների
առարկայական բաշխվածություններում և դրույքաչափերում տեղի են ունեցել
փոփոխություններ:

Դեկանը նշեց, որ ուսումնական պարապմունքները կվերսկսվեն փետրվարի
հինգին: Արդեն պատրաստ են ձևեռային քննաշրջանի 1-ին լուծարքային շրջանի
գրաֆիկները, երկրորդ կիսամյակի դասատախտակները: Զեկուցողը նշեց, որ մի
շարք կուրսեր փետրվարի 5-ից մարտի 2-ն ընկած ժամանակահատվածում

դպրոցներում կանցկացնեն ուսումնական պլանով նախատեսված մանկավարժական պրակտիկա:

ԱՐՏԱՀԱՅՏՎԵՑԻՆ.

Պ.գ.թ. Ս. Առաքելյանը, մ.գ.թ. Վ. Բրուտյանը, Բ.գ.թ. Վ. Աղաբաբյանը, Բ.գ.թ., դոցենտ Ա. Մարիատյանը, մ.գ.թ. Լ. Հարությունյանը, Զ. Վարտանյանը, Ռ. Հարությունյանը:

Մասնաճյուղի տնօրեն Ս.Առաքելյանը, անդրադառնալով ուսումնական գործընթացի շարունակական բարելավմանը ուղղված մի շարք խնդիրների, ընդգծեց, որ անհրաժեշտություն կա մինչև նոր կիսամյակի սկիզբը ևս մեկ անգամ ամբիոններում քննարկել առարկաների ուսումնական փաթեթները, ընթացիկ և եզրափակիչ քննությունների հարցաշարերը: Տնօրենը կարևորեց նաև վարչական և ուսումնասօժանդակ, ինչպես նաև դասախոսների վերապատրաստման ծրագրերը և ուսանողների հետ տարվող բարոյահոգեբանական աշխատանքները: Տնօրենը ֆակուլտետի 2017-18 ուստարվա 1 կիսամյակում կատարված աշխատանքները համարեց լավ:

ՈՐՈՇԵՑԻՆ.

2017-2018 ուստարվա երկրորդ կիսամյակի նախապատրաստական աշխատանքների ընթացքը գնահատել բավարար:

ԽՈՐՀՐԴԻ ՆԱԽԱԳԱՀ
ՔԱՐՏՈՒՂԱՐ

Ա. Ներսիսյան
Վ. Աղաբաբյան